

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 3031 del 02/11/2024

Traduzione in ladino

“Pedies”: l é fora la puntata #458 del rotocalch ladin

N nef apuntament de “Pedies”, l rotocalch ladin de informazion, ruà a la puntata 458. I argomenc de chesta setemèna l é: la Festa del Rengraziament, endrezèda vigni an da l’Union di Ladins de Fascia, chest an la ge é stata dedichèda a la Ciasa de la Moniaria e ai monesc de Fascia. L frabricat restaurà da pech l é doventà cèsa de cultura, neva senta de l’Union di ladins de Fascia e di Servijes linguistics e culturèi del Comun General de Fascia e, per l’ocajon, l é stat inaudà e avert a la comunanza; l Fassa Coop enstadì l à chiamà ite avantores e colaboradores del Ingross per na dì de festa: l é stat coscita inaudà la neva struttura smaorèda de 1600 m2. L President Norbert Bernard e l Diretor generèl Luca Giongo te sia intervistes i porta dant la neves e i mioramenc del servije del magasin per la firmes, ma ence per i lurieranc de chest setor; "Ciantèr sa mont": en sabeda ai 26 de otober te geja del Sacro Cher a Cianacei l é stat la 19eisema edizion de la rassegna de cores da mont endrezèda dal Cor Valfassa. Apede al cor de cèsa, che à ciantà ence per ladin, i cores “Die Cohrherren” da l’Austria e “Coro Cima Verde” da Vigo Cavedine.

I servijes de chesta setemèna, enjigné da Angela Pederiva, Sabrina Riz e Riccardo Zanon, i vegn porté dant da la ousc de Angela Pederiva.

Metù a jir col sostegn del Comun General de Fascia, de la Provinzia autonoma de Trent e de la Region autonoma Trentin – Sudtirol. “Pedies” l va fora su Trentino Tv vigni sabeda da les 18.00 (sie da sera), de domenia da les 13.30 (mesa la does domesdì) e de lunesc da les 11.30 (mesa les doudesc).

Se pel veder duta la puntates ence sul canal YouTube de TV Ladina sot chest link:

<https://www.youtube.com/@TvLadina>

Se pel veder i servijes un a un su la piata Facebook de TV Ladina:

<https://www.facebook.com/TelevijionLadina>

Traduzion di Servijes Linguistics e Culturèi del Comun general de Fascia

(cdt)